

W f
585



81.66.18



Wf
585

1. 840

Christliche Reichpredigt/
Über dem Unversehnen vnd
früzeitigen/doch seligem absterben/

Des Durch-

leuchtigsten Hochgebor-
nen Fürsten vnd Herrn / Herrn
Friedrich Wilhelmen / Herzogen zu Sachsen/
Landgraffen in Thüringen vnd Marggraffen zu
Meissen/ etc. Hochlöblichster vnd Christl-
ich edelster gedencknis:

Welcher in Gott seliglich verschied-
en/den 7. Julij in der Nacht nach II. Uhren
vnd hernach den 19. Julij zu Weymar in der
Pfarckirchen Christlich vnd Fürst-
lich begraben worden/

Gehalten zu Jena den II. Julij (war der 6.
Sontag nach Trinitatis) frühe vmb 8. Uhr
in der Pfarckirchen

Durch
M. NICOLAVM RHOSTIVM
von Weymar/der Kirchen zu Jena Diaconum.

Psalm. 112.
Des Gerechten wird nimmermehr vergessen.
Gedruckt zu Jena/durch Salomon Richkenhan

1799



THRENODIA.

In beatissimum quidem, at præmaturum obitum Illu-
striss. Celsiss. q; Principis ac Dn. Dn. FRIDERICI VVIL-
HELMI Ducis Saxonix, Landgravij Thuringix &
Marchionis Misnix, sanctissimæ memoriæ.

Luctum si qua prius meruerunt funera acerbum,
Vnquam si iustus mæror in orbe fuit,
Iam dare jam fas est lugubria signa doloris,
Iam fas est lacrymis ora rigare pijs.
Namq; FRIDERICVS Dux occidit ille VVILHELMVS,
Adflicta est Orbis, quo moriente, Salus
Teutonici: Cuius (tu testis Dive RVDOLPHVS
Induperator ades) firma columna fuit.
Ante alias verò terras Tyingidos ora
Perdidit, heu! Patrem perdidit orba suum.
Scilicet hoc nobis, si mens non leua fuisset,
Portenta innumerâ dira minata vice.
Magnifici imprimis memini prædicere pridem
RECTORIS nostræ tristia fata schola.
Ast narrata fuit surdis ea fabula: nulli
Converti ad DOMINVM seria cura fuit,
Ergo iuuet dignè scelus expendisse merentes,
Crimina queis vitæ sic placuere sue.
TV, qui mirâ gaudes bonitate, potentem
Lapsis rebus opem, sat scio, IOVA feres.
Tu successorem IANVM parvosq; Quiritis
Servabis cymbæ tempora longa tua.
Tu Viduam Illustrem quoq; germanamq; Sororem
Totam & Saxoniam, pectora dia, Domum
Tempore tam duro sacro moderabere Flatu:
Impositum ut possint ferre decenter onus.
Tu nobis, culpam fassis, errata remittes
Et dabis hinc stabili prosperitate frui.
Hoc credo, hoc gemitu deosco fideliter imo:
Tu tibi consisti sacrata vota DEVS.

Scripta à M. Nicol. Rhostio Vinariensi,
Ecclesiæ Ienensis Diacono.



Vorrede.

Allochwürdigem

Durchleuchtigen/ Hochgeborenen/ Für-

stin vnd Frewlein/ Frewlein Maria/

Des Keyserlichen Weltlichen freyen Stiffts Quedlinburgk
Ebrissin/ Geborner Herzogin zu Sachsen/ Landgraffin in Thürin-
gen vnd Marggraffin zu Meissen/ etc. Meiner gnedigen Fürstin
vnd Frewlein/ Gottes gnade/ beständigen trost / Christliche
gedult / vnd alle zeitliche vnd ewige wolfarth :
samt meinen vnterthemigsten diensten
vnd embsigen Gebet zunor.

Schwürdige/ Durchleuch-

tige/ Hochgeborne gnedige Fürstin
vnd Frewlein/ fast durch das gantze

11. Capitel S. Johannis des Evan-
gelisten lesen wir eine zumahl schö-

ne/ durchaus liebliche vnd in allen
fürfallenden wiederwertigkeiten/ be-

voraus bey tödtlichem abgang gottseliger Blutsver-

wandten vber alle massen tröstliche Historiam von
der Kranckheit/ Todt vnd Auferstehung Lazari/ des

trauten Freundes vnd geliebten Wirtes vnseres WEr-
ren Jesu Christi. In derselben Histori wird vnter an-

dem hoch gerühmet vnd mit vielen Worten vnd an-
deutungen heraus gestrichen/ beydes die hertzliche/ in-
brünstige vnd standhaffige liebe vnd trewe der zwey-
en Schwestern Maria vnd Marthen/ welche sie gegen
ihrem frommen friedliebenden Bruder Lazaro den
Erbsassen zu Bethanien gehabt vnd getragen/ vnd

Johan. 11.

Luc. 10.
Joh. 12.



Vorrede.

Psal. 74.
Joh. 11.

auch dannenhero rührende grosse betrübniß / so sie aus
seiner sorglichen vnd gefehrlichen Kranckheit / aller-
meist aber aus seinem / wiewol seligem / doch ihnen
den nunmehr Vater / Mutter vnd Bruderlosen Was-
sen früzzeitigem vnd derowegen hochbeschwerlichem
Tode empfangen vnd bekommen. Denn das Geblü-
te sincket doch zusammen / vnd Brüder vnd Schwe-
ster trew in Gottesfürtigen Hertzen ist nicht auszu-
sprechen / als derer / die vnter einem Hertzen gelegen.
Wuff Gott / wie eilend wissen sie einen eignen Boten
nach Christo abzufertigen / als nach ihrem Ehren-
gast vnd allerbesten helffer / mit diesem sehnlichem
vnd Hertzbrechendem zuentbieten : **HERR** / Siehe /
den du lieb hast / der liget Kranck. Da aber der **WELCH**
Christus nicht allein mit dem Boten nicht alsbald
kömpt / sondern auch noch vber das / zween ganter tage
an dem orte / da er war / verbleibet / vnd sich nicht an-
dera stelt / als gehe ihm der Krancke Lazarus lauter
nichts an / ja das noch mehr ist / da er ihn gantz vnd
gar todes verbleichen / ins Grab legen vnd stinckendt
werden leßt : wer wil da sagen / das solches ohne gros-
ses hertzleid / weitleufftige gedanken / vnd mit zuschla-
henden vordacht abgangen sey ? Freylich Freylich
werden die ohne das schwachglaubigen vnd leidetra-
genden Schwestern gedacht haben : Siehe ist das der /
welcher sich bishero für vnserm besten freund gerüh-
met vnd ausgegeben ? vnd erzeiget sich so gahr vn-
freundtlich vnd vnbethüfflich gegen vnserm lieben
Bruder vnd vns hochbekümmerten Schwestern ?
Eya / werden die vnglaubigen Jüden gesagt haben /
er hat euch immer grosse ding verheissen / aber da er
helffen

Wortrede.

helffen sol/lest Er sich nirgend finden. Also lobnet
vnd dancket Er auch ewer gültlichen Werberge. In-
massen Maria vnd Martha ihr vngedultiges Hertz
zimlich heraus schürten / in dem sie dem **HEEREN**
Christo / als er 4. tage nach Lazari Begrebnis vor Be-
thanien anlanget / aus dem flecken entgegen gehen vnd
mit diesen hefftigen Worten zusprechen: **HEEREN** / werest
du hie gewesen / mein Bruder were nicht gestorben: Als wol-
ten sie sagen: Du mit deinem verzug vnd auffenblei-
ben bist die einige vrsach des Todes vnsers hertzlieb-
sten Bruders / Ach wen du nur werest zu im komen vnd
ein freundschaftt stück an ihme thun wollen / er were
gewislich noch am leben.

Also das aus allen umbstenden erscheinet / diese
zwo Schwestern beydes in der Kranckheit vnd Tode
Lazari zumal trawrige vnd bekümmerte Hertzen
müssen gewesen sein.

Wolan kein zweiffel ist es / Hochwürdige Durch-
leuchtige Hochgeborne gnedige Fürstin vnd Frew-
lein / sondern gahr wol zu glauben / auch bey allen Un-
terthanen kundt vnd offenbar / es sein Ewer Hoch-
würden vnd Fürstliche Gnaden / von dem Allmechti-
gen Gott vnd Vater im Himmel zu dieser zeit auch in
einen hochbetrübtten trawerstand gesetzt / in dem er
derselben hertzallerliebsten Herrn Bruder vnd Ge-
fattern / den weiland Durchlauchtigsten / Hochgebor-
nen Fürsten vnd Herrn / Herrn Friderich Wilhelmen /
Hertzogen zu Sachsen / Landgraffen in Thüringen /
vnd Marggraffen zu Meissen / etc. Meinen gnedigsten
Fürsten vnd Herrn / Hochlöblichster vnd Hochmilt-
ster Gesechtnus / durch den zeitlichen / wiewol sanff-

tem

Vorrede.

ten vnd seligen Todt aus diesen Leben abgefördert vnd zu sich in sein Ewiges Ehrenreich genommen. Denn ja an S. F. G. ewre Doch. vnd S. G. ein recht Brüderliches/ ja Vaterliches trewes/ liebreiches Hertz vnd nechst GOTT vnd ihren Wohlöblichen Fürstlichen Eltern/ auch Doch vnd Christmildester gedechtnis/ den größten schutz vnd schatz auff Erden gehabt/ welcher sie hertzgründlich geliebet/ mit höchsten trewen gemeinet/ vnd mit allem Brüderlichem willen jederzeit besten vermögens belüftiget vnd erfrewet. Lines solchen grossen gutes vnd liebsten Freundes nun in dem Leben gar entzichen müssen/ das mus warlich schmerzen vnd weherhun/ vnd ohn vnterlas diese seufftzen vnd klagwort verursachen: Ach Bruder/ Ach Herr/ Ach Edler/ Jerem. am Cap. 21. sonderlich darumb/ weil L. Nachw. vnd S. G. bey S. F. G. seligsten ende nicht gewesen/ vnd mit derselben sich zur letzte nottürlichlich nicht haben besprechen können.

1. Tim. 6.
Esa. 45. 9.
psal. 25.
Job. 1.

Aber wie sol man ihm thun? Dem König aller Könige vnd Herrn aller Herrn/ das ist/ dem wie- wol wunderbaren vnd verborgenen/ doch gegen sein liebe Kinder allezeit Gnedigen vnd Barmhertzigen GOTT vnd Vater hat es also gefallen. Er hat gegeben er hat genommen. Derwegen mit seinem heiligen guten willem L. Nachw. vnd S. G. wie bisahero beschehen/ also auch ferner Christlich zu frieden sein/ vnd sich dessen trösten werden/ quod non amissus, sed praemissus sit frater beatissimus, das Ihr hertzallerliebster seligster Herr Bruder vnd Befatter nicht verlohren/ sondern nur vorhin geschickt sey/ an den ort/ dahin wir alle mit grossen verlangen gedenccken/ nemlich an den

ort

Vorrede.

ert des trostes vnd der ewigen ruhe/an welchen L. D.
vnd S. S. zu seinerzeit mit ehren vnd freuden auch
wird gelangen/S. S. S. wiederumb sehen / vnd mit
derselben in höchster seligkeit ein ewiges liebliches ge-
sprech/one verdrißvnd satsa mkeit/haben vnd halten.

Vnter des wird der noch durch Gottes grosse
Gnade hinderstellige Herr Bruder vnd Gefatter / der
Durchleuchtige Hochgeborne Fürst vnd Herr / Herr
Johannes / Hertzog zu Sachsen / Landgraff in Thü-
ringen / Marggraff zu Meissen / etc. Mein gnediger
Fürst vnd Herr / Ewiger Hochw. vnd S. S. die er ebner
massen allezeit inbrünstiglich geliebet / sich treulich
annehmen / zuförderst aber der Himlische gnaden-
bruder Jesus Christus in solchem hohen betrübnis sie
krefftiglich trösten / vnd in alle ewigkeit vnter seinem
gnaden Himmel vnd gnadenflügeln halten vnd er-
halten Denn der Herr sieht ja / er schawet das elend
vnd jammer / es stehet in seinen Wenden / im 10. Psalm
vnd der Herr zehlet unsere flucht / er fasset unsere thre-
nen in seinen Sack / ohne zweiffel / er zehlet sie / im 56.
Psalm.

Belangend nun gegenwertige Reichpredigt / so
hab ich zwar dieselbe gerne gethan / vnd durch Gottes
gnade verrichtet / nicht allein darumb / dieweil sie mir
auffgetragen wurde / sondern auch meine schuldige
Pflicht vnterthenigster danckbarkeit gegen meinem
gnedigsten / nimehr in Christo Jesu sanfftruhenden
Landesfürsten zu bezeigen / beydes vor die milde vnter-
haltung / so gantzer 9. Jahr auff vnser Vniuersitet von
S. S. S. ich als ein Stipendiat / empfangen / vnd auch
vor die gnedigste beförderung / durch welche ich zum

Diacon

Luc. 16.
Matth. 11.
Sap. 3.

Joh. 20.
Psal. 117. 91

psal. 10. 56.

Vorrede.

Diaconat der Kirchen alhier gelanget: mus aber be-
kennen/ das sie etwas gering/ vnd derenthalben nicht
werth/ das sie in offnen Druck kommen/ schweig dann
E. Hochw. vnd S. G. offeriret werden solle.

Wann aber dennoch das jenige/ was in grosser eyl
vnd trawrigkeit der Geist des Herrn bescheret/ Got-
tes Wort gewesen/ vnd/ wie ich dann nicht zweiffle/ in
Gottes furcht solch: erinnerungen vnd Lehrpuncten
aus dazumal vorhabenden text meinen lieben Zubö-
rern vorgetragen worden/ welche uns arme vntertha-
nen in diesem grossen Landbetrübnis zu practiciren
hoch von nöten: als hab ichs lassen geschehen/ das
auff meiner Herrn Praeceptor der Theologischen Fa-
cultet censur vnd bewilligung/ etzlicher Gotteseliger
Wertzener begeren erfüllet/ vnd solche/ ob gleich ein sel-
tige arbeit/ in Druck gegeben würde.

Ewer Hochwürden vnd S. G. aber/ Hochwürdi-
ge/ Durchleuchtige/ Hochgeborne Fürstin vnd Frew-
lein dedicare ich solche meine Predigt/ gegen dieselbe
mein vntertheniges herzliches mitleiden etlicher mas-
sen zu bezeigen/ mit vntertheniger Bitte/ E. Hoch. vnd
S. G. wolten solches von mir armen Diener Christlich
gemeinet/ in allen Gnaden vermercken/ vnd dem All-
mechtigen zu Göttlichen trost vnd schutz ist vnd alle
zeit getrewesten fleisses befohlen sein. Gegeben Je-
na den 1. Augusti Anno Christi 1062,

E. Hochw. vnd S. G.

vntertheng gehorsamer

M. Nicolaus Rhoffius von Weymar
der Kirchen zu Jehns Diaconus.

Reichpredigt.

Eingang zur Predigt.

Die Gnade Gottes des Vatters/Gottes
des Sohns/vnd Gottes des H. Geistes/sampt was
rer Busß vnd freffigen Trost:
A M E N.

Geliebte im Herrn Christo / es
befiehlt der Heilige Apostel Paulus / das wir
Christenmenschen vns in die zeit schicken/das ist/
je vnd allwege der gelegenheit der zeit warnemen
in allem vnserm thun vnd lassen vns dazu be-
quemen/vnd nach dem die zeit ist/also auch vns in vnserm vor-
haben vnd beginnen Christlich erzeigen vnd verhalten sollen.

Rom. 12.
Ephes. 5.
Coloss. 4.

Nun betrifft vns arme Vnterthanen in diesem löbli-
chen Fürstenthumb Sachßen / eine Warlich recht böse vnd
vber alle massen warrige zeit/eine zeit der Not / eine zeit des
Trübsals/ja eine so erbarmliche vnd gefehrliche zeit/das es ge-
het / gleich als wenn die Kinder bis an die Geburt kommen
seind vnd keine Krafft mehr da ist zu geben/ wie wir mit dem
Gottseligen Könige Hiskia reden möchten im 4. Reg. 19.
vnd Esaiæ am 37. Capitel. Ursach/Ursach/lieben Chri-
sten / denn vber alle andere straffen vnd unglück/so zum theil
ganges Deutschesland / zum theil die ganze werde Christens
heit hin vnd wieder Hauffenweise betroffen vnd vberfallen/
sucht vns der Gerechte vnd Enferige Gott jeso heim/mit einer
solchen straff vnd staupen/in welcher er vornemlich vns dieser
Landen Vnterthanen ein recht hartes erzeiget / vnd vns an-

Psal. 50.
4. Reg. 19.
Es. 37.

Exod. 20.
Psa. 118. 60.

W

greiffet/

Reichpredigt.

Gen. 41:

griffet an dem ort/da es vns billich sehr wehe thut/ in dem er nemlich nechsti verschiene[n] Mitwochs gegen Mitternacht bald nach 11. Uhren den Weiland Durchleuchtigsten Hochgebornen Fürsten vnd Herrn/ Herrn Friderich Wilhelmen Herzogen zu Sachsen/ Landgraffen in Türingen vnd Marggraffen zu Meissen/ etc. vnsern Gnedigsten lieben Landesfürsten vnd Landesvater/ Hochlöblichster Gedechnus / durch einen zwar sanfften vnd seligen/ vns armen Vnterthanen aber allzufrüzeitigen Todt/ vnd also viel ehe/ als wir gemeinet/ vnd doch viel langsamer als wir verdienet / aus diesem zeitlichem Leben zu sich in sein Himlisches Ehrenreich genommen : inmassen solcher betrübter Todesfall in einem schreiben aus dem Ehrwürdigen Consistorio zu Weymar anhero folgendes Tages an vnsern Herrn Superintendenten berichtet worden/ welches ewre liebe zu mehrer nachrichtung aus dem Original fürzulesen mir befohlen worden/ vnd lautet dasselbige also/ etc.

Rom. 14.

Wann dann E. L. aus jso verlesenem Befehl vernimt/ was vber gegenwertigem trawrfall/ vnd zu dieser hochbetrübten zeit von vns als den Vnterthanen für schuldige Pflichtgebür erfordert werde : solches auch an ihm selbst billich vnd recht: vber das der Christelige fromme Landesvater es vmb vns alle jederzeit in Gnaden wol verdienet : als wollen wir vnser lieben hohen Obrigkeit zu vnterthenigem gehorsam/ dem selig verstorbenen Landesfürsten zum Lobwürdigen Gedechnis/ vns selbst aber zum erbawlichen vnterricht vnd ewigem Heil etwas aus Gottes Wort mit einander handeln/ vnd damit wir zu solchem vnserm Christlichem fürhaben Gnade vom H. Erren vber Leben vnd Todt erlangen mögen/ aus warem Glauben vnd Busfertigem Herzen mit einander das Heilige Vater vnser beten.

Vater vnser der du bist/ etc.

Lwer

Reichprediat.

Wer Liebe wolle mit fleis vnd andacht
vernemen den Text / welchen wir zur vor-
stehenden Reichpredigt für vns genommen / vnd be-
schreibt vns denselbigen der Wocheleuchte Kö-
nig vnd Prophet Salom. in seinen Spruch-
wörtern am 28. Cap. mit folgen-
den Worten.

Umbs des Landes Sünde willen / wer-
den viele enderunge der Fürstenthü-
men? aber umh der Leute willen / die
verstendig vnd vernünfftig sind / blei-
ben sie lange.

Ein zweiffel ist / Geliebte im
HERREN Christo / sondern die Göttliche ewige
Wahrheit / wann gewaltige Königreiche / Für-
stenthume vnd Regiment in dieser Welt durch
absterben Vornehmer / beuoraus Gottseliger Potentaten vnd
Regenten verendert vnd versetzt werden / es sey solches ein
Werk Gottes des HERREN selbst. Denn sein ist beides
Weisheit vnd Stercke / er endert zeit vnd stunde: er setz Kö-
nige ab / vnd setz Könige ein / sagt Daniel der Prophet in sei-
ner Weissagung am 2. Capitel / Kompt doch her / vnd schawet
die Werk des HERREN / der auff Erden ein solch zerstören an-
richtet: ja seid stille vnd erkennet eben hieraus / das ich Gott
bin / spricht der Allmechtige Himmelskönig selbst im Sech-
s vnd vierzigsten Psalm. Vnd im Propheten Esaiæ am vier-
zigsten lesen wir / das niemand anders / als GOTT der HERRE

Dan. 2.

psal. 46.

Reichpredigt.

Es. 40.

Die Fürsten zu nichte vnd die Richter auff Erden eitel mache / vnd zwar so zu nichte vnd so eitel / als hette ihr Stamm weder Pflanzzen / noch Samen / noch Wurzel in der Erden / das sie / wo ein Wind vnter sie wehet verdorren / vnd sie ein Windwürbel / wie stoppeln wegführet.

Es. 54.

Weit dann vnser lieber Herr GOTT selbst die grosse vnd schreckliche Verenderungen in den Fürstenthumen vnd gewaltigen Regimenten anrichtet : so sollte ja alle Welt solcher hoher Werck Gottes recht warnemen / vnd beuoraus die Vnterthanen gegen diesem Allmechtigen vnd schrecklichem HERRN / wann ihre Berge vnd Hügel so ploslich weichen vnd hinfallen müssen / sich gebürlich erzeigen vnd verhalten. Aber wiewol sich diß jümmerehr geziemete : jedoch so geschieht gemeiniglich / daß fast niemand auff solches hohe Werck Gottes achtung gibt / vnd derowegen gar selten bedacht vnd erwogen wird / was wol der wunderbare vnd gerechte / weitsehende vnd nachdenckliche Gott für vrsachen zu solchen gefährlichen verenderungen habe : viel weniger wird auff mittel vnd Weg gesonnen / wie vnd wodurch man dem grossen Unglück / welches durch die Verenderungen der Regiment vnd Fürstenthumen gedrewet wird / entgegen bawen vnd entfliehen müge / sondern da mus Esaias noch heutiges Tages bitterlich klagen : Es lehret sich das Volck nicht zu dem der es schleget / vnd fraget nichts nach dem HERRN Zebaoth / Esa: am 9. vnd am 22. Capitel : Noch sehet ihr nicht auff den / der solches thut / vnd schawet nicht auff den / der solches schafft von ferne. Vnd abermals am 64. Niemand rufft HERR deinen Nahmen an / oder machet sich auff / das er dich halte.

Es. 9.

Es. 22.

Es. 64.

Damit nun gleiche klage auch nicht vber vns zu vnserm zeitlichem

zeitlichem

Reichpredigt.

zeitlichem vnd ewigem verderben geführet werden möge : als wollen wir bey dieser grossen verenderung vnser hochlöblichen Landregiments vnd bey Tödlichem Abgang vnser Gnedigsten lieben Landesfürsten/Christmildester Bedechnis/aus ihro verlesenen Worten von zweyn vnterschiedenen Puncten/den Geist des HERRN vns vnterrichten lassen.

Erstlich wollen wir hören/ was dann **GOTT** der **HERR** für fug vnd macht zu den Vnterthanen habe/wenn er ihnen ihre Gottselige vnd löbliche Regenten so bald nemen /vnd auff derselben Tödlichen Abgang allerley verenderung erfolgen lasse.

Nachmals vnd fürs Ander/wollen wir auch lernen/ durch was mittel wol entweder solcher früezeitiger abgang der lieben Obrigkeit sampt allerhand verenderung zuuerhüten/domit es nicht geschehe : oder da es ja geschehen/bey Gott dem **HERN** noch Gnade vnd linderung/ wo nicht gantzliche abwendung der verdienten vnd gedreweten straffen zu erlangen vnd auszubringen.

Welche beide notwendige Punctlein richtig zuerkleren/andechtig zu betrachten/vnd nutzbarlichen zu practiciren vns der König aller Könige/vnd **HERR** aller **HERRN** Geist vnd Krafft von Obenherab mitgiglich verleihen wolle/vmb vnser einigen Gnaden Königs Jesu Christi seines geliebten Sohns willen/Amen.

Vom Ersten Stück.

Belangend nun das Erste Stück vnser vorhabenden Predigt/so wird keins wegs gefragt/was die Ursache sey/das Fürsten vnd hohe gewaltige Potentaten auch

1.

2.

1. Timot. 6.

Sach 9.

psal. 52.

B iij

wie

Reichpredigt.

1. Cor. 5.

Rom. 5.

Sap. 4.

4. Reg 22.

wie Menschen sterben / vnd durch den zeitlichen Todt diese Welt reumen vnd gesegnen müssen / weil kund vnd offenbahr / das sie so wol als ihre Vnterthanen / mit der Sünden / welche da ist eine vrsach des Todtes / beschweret / vnd in den Spruch Pauli verfasst sein : **D**IE SÜNDE einen Menschen ist die Sünde kommen in die Welt / vnd der Todt durch die Sünde / vnd ist also der Todt durch alle Menschen gedrungen / dieweil sie alle / alle gesündigt haben: So fragt sich auch allhier nicht / was vrsachen **G**ott der **H**err zu Gottseligen Königen / Fürsten vnd hohen Potentaten selbst haben / das er sie che / als sie vnd ihre Vnterthanen meinen / durch den zeitlichen Todt aus diesem Leben abfordert / sintemal sie selbst sich Christlich zu scheiden wissen / aus dem 4. Capitel des Büchleins der Weisheit / das der Gerechte / ober schon (für Menschlichen Augen) zu zeitlich stirbt / doch in der ruhe sey / vnd sey recht vollkommen worden / vnd habe genugsam Jahr erfüllt / in betrachtung / das das alter ehrlich sey / nicht das / (bey Gottlosem Wandel) lange lebt vnd viel Jahr hat / sondern welches klug ist vnd Gott fürchtet / denn klugheit ist doch das rechte grawe Haar / vnd ein unbesteckt Leben ist das rechte alter: So eilet auch **G**ott wie mit vielen andern frommen Menschen / also auch mit manchem Gottseligen Potentaten aus diesem bösen Leben vnd rücket ihn hinweg vnter den Sündern / damit die Bosheit seinen verstand nicht verkehre / noch Menschen lehre seine Seele nicht betriege / ja damit auch seine Augen nicht sehen das Unglück / das Gott vber das Land bringen wil / wie diese Wort alle zum theil in angezogenem 4. Capitel der Weisheit / zum theil im 4. Buch der Konige am 22. Capitel zu finden.

Sondern hierumb ist zu thun / vnd das ist die frage / was Gott wol an den armen Vnterthanen ersehen / vnd was er zu ihnen

Reichpredigt.

ihnen für vrsach / fug / macht vnnnd recht habe / oder wie sie im
mermehr dazu kommen / das sie ihren lieben Regenten / vnnnd
frome Landsfürstliche hohe Obrigkeit so bald verlieren müs-
sen / dessen sie sich doch so wol getroestet vnd gehoffet / sie wolten
vnter seinem Schatten noch lenger leben / vnnnd seiner Regie-
rung vnd Schutzes noch eine gute zeit gebrauchen.

Thren. 41

Hierauff gibt nun (damit wir nicht weitern vmbschwefiff
machen) der Heilige Geist im verlesenen Sprächlein richtige
vnd gleich zugehende Antwort / in dem er berichtet / es geschehe
vmb des Landes / das ist / vmb der Einwohner vnd Vnterthanen
Sünde willen : **Vmb des Landes Sünde willen /**
spricht er / werden viel enderunge der Fürstenthumen.
Da dann dem H. Geist auff seine Wort sonderliche achtung
zu geben / vnd zu mercken / das er nicht saget / das aller Fürsten-
thumb enderungen vmb des Landes Sünden willen ergehen :
weil freylich Gottlose Regenten gefunden werden / die Gott
dem H. Erren gnugsam vrsach geben / mit ihnen also zu hand-
len / daß sie / ehe sie sichs versehen / auffs Sich vnnnd Todibette
geworffen werden / vnd jr Leben nicht zur helfffe bringen / wie
an Pharaone / Sacharia / Sallum / Alexandro Magno / He-
rode / Pilato / vnd vielen andern zusehen / die mit ihren schreck-
lichen Sünden das deposuit redlich verdienet : sondern nur
etlicher / vnnnd doch vieler verenderungen der Fürstenthumen
vrsach schreibt er zu den Sünden des Landes oder des Volcks :
vmb des Landes Sünde willen werden Viel enderunge der
Fürstenthumen : dardurch anzuzeigen / wo die hohe Obrigkeit
für ihre Person Gottfürchtig ist / vnd Fürsten vnd Herren in
den wegen Gottes gehen / Christliche vnnnd Fürstliche Gedan-
cken haben vnd drüber halten / vnd in irem Regiment dermas-
sen / so viel Menschlich vnd möglich / sich erzeigen / das Gott
vnd Vnterthanen zu frieden sein können : vnd aber nichts

Psal. 55.
Exod. 14.
4. Reg. 15.

Luc. 1.

Es. 52.

disto

Reichpredigt.

besto weniger ein vnzeitiger Todesfall vnd Verenderung sich begibt vnd zutregt/ als dann das Land vnd die Vnterthanen Ursach seien/ vnd mit iren Sünden solche enderung vmb Gott verschuldet vnd verdienet haben.

Esai. 24.

Eben mit dieser Meinung vnd Aussag gegenwertiges Texts stimmt auch vber ein der Prophet Esaias in seinem 24. Cap. da er spricht: Darumb frist der Fluch das Land/ denn sie verschuldens die drinnen wohnen./ vnd bald hernach: seine (des Landes) Witterhat drücket es das es fallen mus/ vnd kan nicht stehen bleiben.

Das also vieler/ ja aller Gottseliger Fürsten vnd Herren früzeitiger Todt von der Vnterthanen Gottlosem Leben verursacht vnd zu wegen gebracht wird.

Vnd gehet hier zu/ wie mit frommen Gottseligen Eltern/ fleissigen Praeceptor vnd getrewen Predigern auff einer vnd mit vngetrewen Kindern/ widerspenstigen Schülern vnd Gottlosen vnd anckbaren Pfarrkindern auff der andern seiten.

Wann Kinder ihren frommen Eltern nicht wollen folgen/ wollen sie nicht ehren/ Verachten vund erzürnen sie viel mehr/ sihe so nimbt gar offtt der liebe G. D. die Eltern beyzeiten hinweg/ vnd bringt den frommen Vatter/ die Gottselige Mutter zur ruhe / vnd macht die bösen Kinder zu Waisen/ das sie vnter frembde Leute kommen/ vund denen hernach gehorchen müssen/ bey welchen sie es nicht halb so gut haben/ als zuuor bey den Eltern.

Wann Schüler vund Discipuli hinfleissig werden / wollen ihren Herrn Praeceptoribus nicht folgen/ ja noch wol Klüger vund G. lertter sein / als ihre Praeceptores selbst: Dürffen sie Gott nicht lange Trost bieten/ er weis bald trewe Professores/ Praeceptores vnd Schulmeister durch den zeitli-

chen

Leichpredigt.

chen Todt oder andere wege wegzurucken/ vnnnd an ihre stadt
faule Patres ihnen zuzuschicken/ bey welchen sie nichts lernen/
sondern in grund verderben vnd nimmermehr auff einen grü-
nen Zweig kommen können.

Gleicher massen wenn Pfarrkinder vnd Zuhörer ihrer
getrewen/eiferigen / reinen Euangelischen Prediger/ die es
gut meinen vnnnd den rechten weg zum Himmel zeigen/ müde
werden/fahren an sie zuuerachten/zubetrüben / ihre Seele zu
queelen vnd zu verfolgen/in dem sie entweder dem Feind wer-
den/der sie im Thor strafft/vnnnd haben den für einen Grewel
der heilsam Lehret/ Amos. 5. oder bekommen lusterne Her-
zen/juckende Ohren/vnd stinckende Nasen/nach Aegyptischen
Fleischtopffen newer vnd frembder Lehre: O Gott kan bald
ein mittel treffen/ vnd die trewherkigen Prediger weit gnung
hinweg zu rücken: hergegen so weis er dir zuzuschicken entwe-
der Ohrengrawer/Placentiner/Leisetretter / sanffte Predi-
ger / Teuscherei schawer/blinde Wechter / stumme Hunde/
welche dir feine weiche Pfüle vnter das Heupt/vnd Küßlein
vnter die Armen legen/vmb einer Hand voll Gersten/gelben
Suppen vnd bissen Brots willen dir Liebkosen/aber vnter des
den Namen Gottes entheiligen/vnd dich zum Land hinaus
in die Hell vnd ewiges Verdammnis Predigen können/Thren.
2. oder er weis dir zuzuschicken allerhand Ketzereien vnd kreff-
tige Irrthumb/das du must glauben den Lügen/vnd gerichtet
werden/darumb das du Lust gehabt an der Vngerechtigkeit/
dich zum Fabeln gekehret vnnnd die liebe zur Warheit nicht an-
genommen/wie Paulus ernstlich warnet/2. Thessalon. 2. 2.
Tim. 4.

Eben also gehet es auch zu im Weltlichen regierstande.
Wenn Vnterthannen Gott erzürnen/in allen Sünden vnnnd
Schanden wieder Gott vnd jr Gewissen liegen/Vnrecht/wie

E

Wasser

2. Petr. 2.

Amos. 5.

Num. 11.

1. Cor. 10.

2. Tim. 4.

Esai. 30. 55.

Ezech. 11.

Thren. 2.

2. Thess. 2.

2. Tim. 4.

Leichpredigt.

Job. 15.

Wasser in sich sauffen/ vnd der lieben Obrigkeit weder heiliges Exempel noch ernste Befehl zur Gottseligkeit vnd Erbarkeit sich wollen anmanen vnd leiten lassen: Wolan so dencke vnser lieber Gott/ als der ein gnediges Aug auff die fromme Obrigkeit hat/ also: Dieweil ihr Gottlosen Vnterthanen mein edles Geschenk nicht erkennen/ vnd von ewrem frommen Regenten vnd Landesvatter zum guten euch nicht wollet regiren lassen/ so solt ihr auch nicht werth sein/ seiner Väterlicher Fürsorg vnd Subernation lenger zu genieffen / sondern ich wil in zu mir in mein freudensaal nemen / euch aber nach seinem Todte desto herter straffen / vnd desto mehr Unglück vber euch kommen lassen/ wo jr nicht bey zeiten mit warer Bus mir in die Rute fallen/ vnd mit inbrünstigem Gebet dem wol verdienten vnd gedreweten Unglück vorbeugen werdet.

4. Reg. 21.

Last vns/ lieben Freunde im Herrn Christo/ diesen ersten Punct zu gegenwertiger Trawzeit ja wol bedencken/ vnd vns selbst fleisig examiniren/ vnd besinnen/ ob denn Gott gleiches Recht zu vns/ die wir dieses Fürstenthumbs Vnterthanen sein/ auch habe/ vnd ob wir jme auch Ursach gegeben/ das er vns ehe/ als wir gedacht/ vnsern frommen Christlichen/ Gottseligen Hochlöblichstten Landesfürsten von vnsern Haupten weggenommen.

4. Reg. 2.

Freylich/ freylich/ lieben Christen/ wird sichs finden in der Prob/ das wir hieran sehr vnd allzusehr schuldig / in dem wir bishero viel Jahr nach einander alle Göttliche vnd Ministerialische Vermanungen vnd Warnungen so schendlich verachtet/ vnd in allerhand schweren Sünden wieder Gott/ sein Wort vnd vnser eigen Gewissen ganz vnbusfertig verharret.

Hilff ewiger Barmherziger Gott/ sollen wir durch die Heiligen Zehen Gebot gehen/ vnd nach derselben Richtschnur

mit

Leich predigt.

mit vnserm Leben vnd Wandel ein Examen anstellen/so würden wir bald sehen vnd inne werden/das wir nicht mehr/dann wieder alle Zehen Gebot beides der ersten vnd andern Taffel/des grossen Gesezes G. Dites schrecklich gesündigtet/ vnd mit vnzehllichen Mißhandlungen solche grosse straff vnd gewaltigen Riß im Hochlöblichem Haus Sachssen redlich verdienet hetten.

Bedencket doch durch Gott/vnd vmb Christi vnd seiner Barmherzigkeit willen/wie wir bishero G. Dite geehret/gefürchtet/geliebet vnd ihm vertrauet: Bedencket/wie wir seinen Namen geheiliget/vnd den Sabbath gefeyret.

Ach Abgötterey/Mißtrauen/Aber vnd Unglauben/Schwern/Fluchen/Zeubern/Liegen/Triegen ist viel mehr in vollem Schwang vnd Gang vnter vns durchs ganze Fürstenthumb gehöret vnd vermercket worden. Ach wie wenig sind gewesen/Die die Predigt Göttlichs Worts fleissig vnd mit gebürender Andacht gehöret/sich zu rechter zeit in wahrer Buß vnd Bekehrung zum Tisch des H. Erren gefunden? Da da findet sich abermal auch bey vns allhier zu Zehna ein grosser mangel/an welchem ort die Verachtung des Worts G. Dites vnd der Hochwürdigen Sacramenten zumal viel Jahr bey grossen Theil zimlich vber Hand genommen / wie die leeren Stül vnd Bencke vnserer Kirchen in den meisten Predigten vnd anderer Gottesdienste Berrichtungen genugsam ausweisen: Da wir doch wol gewust/das G. Dite der H. Er der Verachtung seines Worts vnd Entheiligung des Sabbaths ausdrücklich dreuet/das er sie mit früezeitigem Abgang ihrer Fürsten vnd Landesherren vnd mit Berenderungen der Regimenten schrecklich straffen vnd heimsuchen wolle / Jerem. am 17. Capitel. Jerem. 17.

Reichpredigt.

Wie vnfleissig mancher in seinem Beruff/Geistliches/
Weltliches/Schul vnnnd Hausstandes gewesen/weis G. D. t.
vnd eines jeglichen Gewissen/bezeuget auch der helle Augens-
schein: so woln auch der schendliche Vngehorsam am Tag ist/
welchen gröster vnd meistertheil der Jugend gegen Vatter vnd
Mutter/Herrn vnd Frawen/Vormund/Præceptores/Lehr-
meister vnd andern/so an Vatter vnnnd Mutter statt gesessen/
erzeiget vnd geübet.

Ach wie viel Trogens/Neidens/Vnuersühnlichen zür-
nens/ja Mordens vnd Todtschlagens ist in denen Landen et-
liche Jahr/vnnnd zwar viel Jahr gehöret vnnnd erfahren wor-
den?

Was sollen wir sagen/von Vnzucht/Hurerey/Ehe-
bruch vnnnd anderer Vnreinigkeit/welche alle Welt als eine
Sündflut will vberschwemmen/vnnnd in diesen Landen auch
zimlich gemein worden/vnnnd fast für keine Sünde mehr wil
geachtet werden?

Diebstal/Sinankerey/vnnötige Steigerung aller Wah-
ren/Jüdischer vnnnd ober Jüdischer Wucher/sambt allem be-
trügen vnnnd verforthteilen des Bruders im Handel/nimbt je
mehr vnd mehr vberhand.

1. Theff. 4.

Was ist gemeiner/als das Teufflische Verleumbden/
(denn dis Laster vom Teuffel seinen Namen bekommen) vnd
das schendliche Afferreden? da alles/es sey auch manches so
gut gemeint/geredt/gethan/als es immermehr müge/dennoch
von bösen Leuten auff's ergeste gedeutet wird:vnd was derglei-
chen vnd andere Sünden vnd Laster wieder das grosse Geseß
des Allerhöchsten mehr in denen Landen/in Stedten vnd Dörf-
fern die geraume zeit vber/(Leider Leider/G. D. t. erbarme sich
dessen) verstockt vnd vnbusfertig getrieben worden.

Nun

Leichpredigt.

Nun hat die Hochlöblichste Landsfürstliche Obrigkeit/
vnser in G. Dittseligster Herkog / hierinnen nichts erwinden
lassen / was J. S. G. vermöge hochtragendes Amptes gebü-
ret / in dem sie nicht alleine eine allgemeine Landesordnung pub-
liciret / sondern auch viel vnd oft manchen ernstern vnd eiferi-
gen Befehl wieder Vnzucht / Bucher vnd andere Schanden /
(denen sie allen mit einander von Herren feind gewesen) ab-
gehen lassen / wie wir bekennen müssen : aber dessen allen unge-
acht / hat man dennoch mit Gottlosem Wesen vnd Wandel
immer fortgefahren.

Derwegen wir Vnterthanen / wir Vnterthanen / die
wir weder nach Gott / noch nach der Hohen Obrigkeit gefragt
haben / seind schuldig. Wir haben Gott den H. Ern so hefftig
erzürnet / das er Vrsach genug gehabt / vns so ein hartes zuer-
zeigen / vnd weil wir kurbumb nicht gehorchen wollen / so seind
wir nicht werth gewesen / solchen frommen Landes Vater len-
ger zu haben / vnd der grossen Wohlthaten / so vnter seinem Lob-
würdigen Regiment / vns vberflüssig widerfahren / ferner zu-
geniessen.

psal. 60.
Gen. 46.

Darumb / lieben Christen / last vns den Handel nicht mit
so schlefferigen Augen ansehen / last vns die sache nicht so ge-
ring anschlagen / vnd mit dem Gottlosen hauffen so leichtfer-
tig dahinschlaudern / vnd etwan vnbesunnen meinen / es sey
vnserm Hochlöblichsten Landesfürsten nur aliquid humani
widerfahren / nur das / was allen Menschen endlich zubegeg-
nen vnd zu wiederfahren pflege : Nein trawen : sondern Gott
ist zornig vber vns / vnd wird vns schrecklich straffen / wo wir
vns nicht bekehren.

Es ist ja der fromme Herkog für wenig Monden (noch
nicht vor einem viertel Jahr) nur 40. Jahr Alt worden / sin-
temal er Anno Christi 1562. den 25. Tag Aprilis von seinen

Leichpredigt.

Hochlöblichen Fürstlichen Eltern/Christmilder Gedechtnis/
zu Weymar auff diese Welt geboren/vnnd ob er wol ohn ge-
fahr in die 20. Jahr mit löblicher Regierung S. D. vnd dem
gemeinen Nutz gedienet / so Vetterlich vnd treulich/das S.
F. G. die Vnterthanen für solch Mildes vnd Gnediges Re-
giment nimmermehr gnugsam danken können: jedoch so ist
er kaum die helffte seiner Regierung in seinem Erblande ge-
wesen/das meiste theil aber deroselben andern Landen zuwen-
den vnd zu kommen lassen müssen.

Als er nun nach Lobwürdiger vnd wol verrichteter Ad-
ministration der Chur Sachssen in sein Erbland vnd zu sei-
nen lieben Vnterthanen mit Ehren vnd Freuden wiederumb
gelanget: Ach wie wenig gesunder Tage hat Er bey vns ge-
habt/bis zu letzt der faden seines Lebens vollend ganz vnd gar
vnuersehens vnd vns allzufrüe von Gott dem H. Erren abge-
rissen worden.

Freyllich freyllich/ist solches ein vnfeiltbare Kundschafft
vnd gewisses Zeugnis des vber vns entbranten Zorns G. D.
tes.

Denn ob gleich S. F. G. mit ihren Sünden/damit sie
nicht alleine/allen Adams. Söhnen vnd Eur. Töchtern gleich
empfangen vnd gezeuget/sondern welche sie auch / als ein
Sündhafftiges Menschenkind / mit bösen Gedancken/Wor-
ten vnd Wercken die ganze zeit Ihres Lebens vollbracht/ den
zeitlichen Tode als der Sünden Sold/auch verdienet / vnd
derowegen/wenn sie gleich lenger gelebt/doch dermal e. ns het-
ten sterben müssen:jedoch daß sie so bald gestorben/Nemlich in
Ihrem besten Alter/da sie kaum in ihren Erblanden wiederumb
angelanget/vnd vns Alters halben noch eine lange zeit hette
fürstehen können/ja zu der gefehrlichen betrüben zeit / da es
allenthalben in der Welt gar arg wird/vnd wir ihres Schu-

kes

Esai. 38.

Psaln 51.

Rom. 6.

Reichpredigt.

ges' am meisten bedürfft / das / sage ich / ist eine vnleugbare
Kundschaft des vber vns entbranten Zorns vnd Grims Gots
tes vnd der herzunahenden Straffen / so vns durch diesen vn-
uersehenen Todesfall gewiesen werden.

Darumb nichts bessers / denn das wir vns in der zeit der
Gnaden zu Gott bekehren / vmb vergebung der Sünden vnd
abwendung der wol. verdienten straffen demütiglich bitten
vnd vnser leben ernstlich bessern. Davon im andern
Stück ferner soll gehandelt werden.

Vom Andern Stück.

Wie hetten wirs den sollen machen /
wann wir vnsern lieben frommen Landesvater / Hoch-
löblichster Gedechtnis / lenger hetten behalten / vnd
seines Väterlichen Schutzes noch weis-
ter genießen wollen?

Also hetten wir ihm thun sollen / Wir
hetten sollen klug vnd vernünfftig sein / vnd nicht so vn-
besonnen vnd vnbedachtsam in den Tag hinein leben : Vmb
des Landes Sünde willen werden viel enderunge der Fürsten-
thumen : Aber vmb der Leute willen / die verstendig vnd
vernünfftig sind / bleiben sie lange / spricht allhier Salo-
mon. Es nennet aber die Schrift / Kluge vnd Vernünfftige /
Weise vnd verstendige Leute / die jenigen / welche Gott fürchtē /
ihre Sünde erkennen / an Christum glauben / vnd sich für fer-
nern Sünden hüten vnd fürschen / inmassen Syr. am 1. Prov.
1. Sap. 1. zu finden / sonderlich aber im III. Psalm zu lesen / da
der H. König vnd Prophet David also spricht : Die fürcht
des H. Erri ist der Weisheit anfang / das / das ist ein feine
flugheit / wer darnach thut / des Lob bleibet ewiglich.

Prov. 22.

Syrach. 22
Prov. 1.
Sapient. 1.
Psalm.

Derent-

Reichpredigt.

Derentwegen/damit wir dem Kinde einen Namen geben so were dis vns Vnterthanen wol/angestanden/wenn wir als vernünfftige vnd Kluge Leute hetten erkant.

1. Was grosse herrliche vnd vnaussprechliche Gaben/Gott der HErr diesem vnserm tewren Helden vnd Hochlöblichstem Landesfürsten verliehen hette. Denn er ja nicht gewesen einer aus dem gemeinen hauffen der Regenten/sondern ein rechter hoher löblicher vnd Christlicher Fürst/von Gott gewaltiglich ausgerüstet vnd ausgestaffiret mit allerley schonen Tugenden/mit herrlicher liebe vnd furcht Gottes./ mit getrostem vnd beständigem Bekennenis seines heiligen Worts/mit eiferigem Glauben an Christum/mit hohem Verstande vnd Fürstlichen gedanken (die Fürsten werden Fürstliche Gedanken haben vnd drüber halten/ Esai. 32.) mit Handhabung vnd Fortsetzung der heiligen Justicien/mit züchtigem vnd keuschē Leben vnd Wandel/mit zierlicher ansehnlicher Wolredensheit/mit grosser Kunst/wissenschaft vnd erfahrung freier Künsten vnd notwendiger auslendischen Sprachen/sonderlich aber mit inbrünstiger Väterlicher lieb vnd trew gegen seinen ime von GOTT anbefohlenen Vnterthanen/vnd endlichen mit glücklichem fortgang alles seines thuns vñ fürhabens zu welchem allem der Gnedige vnd Barmherzige GOTT vnd Vater sein heiliges Bedeyen vnd reichen Segen jederzeit gesprochen vnd gegeben.

2. Darnach hetten wir elenden Leute auch erkennen vnd mit aller Ehrerbietung gegen GOTT vnd der Hochlöblichsten Landsfürstlichen Obrigkeit erwegen vnd beherzigen sollen die grossen Wolthaten vnd Edlen Kleinot/so GOTT der HErr bey Hochlöblichster Regierung dieses vnseres Seligsten Landesfürsten vns Vnterthanen heuffig vnd vberflüssig bescherehat.

Denn

Esai. 32.

Leichpredigt.

Dennerstlich haben wir **G**ott ja billich zu danken für
sein reines Heiliges Wort/welches wir die zeit vber gehabt /
beneben dem vnuerfalschem gebrauch der Hochwürdigen Sa-
cramenten: so wol auch für die trewe Warnung vnd gnedig-
sten Schutz wieder allerhand Irthumb vnd Ketzereien.

I.

Darnach so ist/ **G**ott Lob vnd Danck/guter Fried/
kein Krieg die 20. Jahr vber in denen Landen gewesen/das ein
jeglicher Edelman/Bürger vnd Bauer/ja ein jeder Haus-
vatter hat in guter ruhe von Feinden vnuerhindert vnter sei-
nem Weinstock vnd Feigenbaum wohnen/mit seinen Haus-
genossen zu Kirchen gehen/vnd jederman ohne Gefahr von ei-
ner Stadt zur andern/ von einem Dorff zum andern reisen/
handeln vnd wandeln können.

2.

3. Reg. 4.

Ferner vnd zum Dritten ist **S. J. G.** Regiment Milde/
Gnedig vnd Wolleidlich gewesen/one sonderliche vntregliche
Beschwerung.

3.

Endlich vnd zum Vierdten/hat der Gott alles Segens
durch Höchstgedachten vnd Hochlöblichsten vnsern lieben
Landesvatter vns nunmehr hinderlassenen Vnterthanen die
Wolthat gegönnet/das vnser Land vnd Fürstenthumb mit
Fürstlichen Leibs Erben beseliget worden. Inmassen auch der
Durchleuchtige/ Hochgeborne Fürst vnd Herr/ Herr Jo-
hannes/ Vertzog zu Sachsen / Landgraff in Türin-
gen vnd Marggraff zu Meissen/etc. Vnser gnediger Fürst
vnd Herr/aus sonder Gnaden vnd Göttlicher Barmherzig-
keit/diesen Landen erhalten worden/ mit seinen in anschenli-
cher anzahl auch Fürstlichen Leibs Erben/das wir vns aber-
mal/ **G**ott Lob/ (es wolle denn Gott sonderlich straffen) vor
frembder Herrschafft vnd schädlicher Verenderung des Regi-
ments nicht besorgen dürfen. Welches alles trawen eine gros-
se Gnade/die wir/sage ich/hetten erkennen/dem gütigen Gott

4.

D

ohne

Reichpredigt.

Gen. 4.
Thren. 5.

Pfal. III.

Darfür danken / für dem Dorn / der uns Schatten gegeben /
uns neigen / vnd die Krone vnser aller mehr ehren sollen / als
leider von dem Grossen Hauffen geschehen. Das / Das were
eine feine Klugheit gewesen / vnd also hette Gott sich des Un-
glücks / das Er vber uns gedachte / gerewen / Jeremie am 18.
vnd sein Vetterliches Herz erweichen lassen / vns vnsern lieben
Landes Fürsten lenger zu erhalten. Das es aber mit geschehen /
das ist der Sünden schuld / vnd eben die rechtschuldige Ursach
welche Gott dermassen erzürnet / ja gleichsam genötiget / das er
uns so schrecklich gestraffe / vnd so einen vnuerschlenen grossen
Verlust thun lassen.

Thren. 5.
Thren. 4.
Pfal. 47.

Denn wir ja an S. J. G. gar einen grossen thewren Schatz
verloren / nicht aus vnserm Hauße / Kasten / oder Beutel / son-
dern die Gemeine Edle Krone von vnser aller Heupt / den Ge-
salbten des H. Erren / den Trost / Freude / Schutz vnd Schild
dieses ganzen Landes / der vns arme Unterthanen von Herren
lieb gehabt / vnd welchen hinwiederumb die ganze Warhafft-
ge Christliche Kirche aller Ort vnd Enden billich gechret / Lieb
vnd Werd gehalten. O Wehe vns / das wir so gesündigt / vnd
solchen Fluch vnd Unglück auff vns vnd die vnserigen gela-
den haben / in Klädliedern Jerem. am 5. Capitel.

4. Reg. 2.

Wolan / weil wir nicht gethan / was wir ge-
solt / vnd derentwegen der Gerecht eyferige vnd zornige Gott
vns den frommen Landesfürsten billich von den Heupten hinweg ge-
nommen / Lieber wie sollen wirs dann nun machen / angreifen vnd
fürnehmen / das wir noch Gnad vnd Linderung / wo nicht gantzliche
Abwendung der hierdurch gedreweten Straffen bey
Gott dem H. Erren erlaugten vnd erhalten?

Secht so sollen wirs machen. Wir sollen noch Klug vnd
Bernünfftig werden / das ist / wir sollen?

L. Erste

Reichpredigt.

1. Erstlich nur gleich zugehen/rein heraus Reichten vnd
vnsere vbermachte Bosheit erkennen/vnsern Ungehorsamb/
damit wir Gott vnd vnsere liebe hohe Obrigkeit beleidigt/vns
Herzgründlich Leid sein lassen/vnd sampt allem Gottlosem
Wesen dem frommen Gott demütiglich abbitten. Wir ha-
ben gesündigt/sollen wir sprechen/vnrecht gethan/sind
Gottlos gewesen/vnd abtrümic worden/wir sind von
deinen Geboten vnd Rechten gewichen/vnser Missethat
drückt vns hart/vnser Sünden führen vns dahin/wie
ein Wind/vnser Sünden scheiden vns vnd vnsern Gott
von einander. **DER** du bist gerecht/vnd alle deine Ge-
richte sind gerecht. Du **DER** bist gerecht/wir aber
müssen vns scheuen. Aber sey Gnedig deinen Knech-
ten/vnd zürne nicht so sehr / vnd dencke nicht ewig an
vnsere Sünde.

2. Nachmals so sollen wir/als trewe Christliche Untert-
thanen/mit vnser Gnedigsten lieben Landesmutter der Hoch-
bekümmerten Widwin/mit vnserm Gnedigen Fürsten vnd
Herrn Herzog Johansen/mit des Hochseligsten verstorbenen
Landesfürsten nachgelassenen Fürstlichen Waislein/mit S.
S. G. geliebten Schwester Freiwlein Maria des Keyserlichen
Stifts zu Quedlinburg Abtessin / vnd dem ganken Hoch-
löblichen Chur vnd Fürstlichem Hauße zu Sachsen/als wel-
chen allen durch diesen Riß vnd Fall gros Leid geschehen / ein
Christliches mitleiden haben/vnd vns nicht weigern/nicht al-
lein für sie vmb Trost vnd glückliche Regierung bey Gott dem
HERRN anzuhalten/sondern auch vnser mitleidend vnd unter-
thenigß Gemüt zu bezeigen/wie in der Kirchen die Orgel/Si-
gural Music vnd dergleichen/also auch in Hochzeiten/Gaste-
reien vnd andern zusammenkunfften alle Seitenpiel vnd of-
fentliche vbermässige Freude ein zeitlang einzustellen.

D ij

3. End-

Dan. 9.
psal. 65.
Esai. 64.
Esai. 59.
psal. 119.

Dan. 9.
psal. 90.
Esai. 64.

Reichpredigt.

3. Endlich vnd schließlich so sollen wir auch vns bestei-
sigen hinfort gehorsame Vnterthanen zu sein / **G**ottes vnnnd
der lieben hohen Obrigkeit / vnnnd vns ja trewlich hüten / für
Sünden wider **G**ott vnd vnser Gewissen / damit wir **G**ott
vnd die Landsfürstliche Obrigkeit nicht auff's newe erzürnen /
sondern also Hausen vnd Leben / das **G**ott / Engel vnd Men-
schen lust dran haben mögen. Wird das geschehen / ach so wird
es die hohe Obrigkeit in allen Gnaden Ihr gefallen lassen /
vnd **G**ott der **H**err selbstes wird es vns vergelten /
hier zeitlich vnd dort ewiglich.

Aber genug auch vom Andern Stück.

Hat also **E. L.** auff d'ismal / so viel in grosser Eyl vnnnd
Trawrigkeit geschehen mügen / diese 2. Stücklein einfeltiglich
erklaret / angehoret.

Erstlich / was wol **G**ott der **H**err zu den Vnterthanen
für macht vnd recht habe / wenn Er ihnen ihre liebe **G**ottselige
Obrigkeit vnnnd Landesherrn früezeitig durch den zeitlichen
Todt aus diesem Leben abfordert : Es geschieht wegen der
Sünde vnnnd Gottlosen Wesens der Einwooner vnnnd Vnter-
thanen.

Darnach vnd fürs andere / wie man es machen könne / das
entweder solche Fälle verhütet / oder da sie ja nach **G**ottes rath
vnnnd willen ergangen / erhalten vnnnd zu wege gebracht werde /
das die hirt durch gedrewete straffen / wo nicht ganz vnd gar ab-
gewendet / doch gütter massen gelindert vnnnd geringert werden
mügen : Man sol das vorige Gottlose Leben in wahrer Bus
vnd Befehrung **G**ott von Herzen abbitten / für eins : Fürs
ander herrliches vnderthenigstes mitleidē mit der hochbetrü-
ten hohen Obrigkeit haben : vnd hinfurt / als zum dritten / ein
recht **G**ottselig Leben führen / so wird **G**ott mitten im Zorn
seiner Barmhertzigkeit eindencken / vnser Fürstenthumb lang

lang

Reichpredigt.

Psal. 60.

lang vnuerendert bewahren/ vnd vns nicht so balde ein so hartes erzeigen/ sondern Obigkeit vnd Vnterthanen in seiner Gnad vnd aller gedeylicher Wolfahrt in diesem Leben lange bey einander erhalten/ vnd in jener Welt mit ewiger Frewde zu Leib vnd Seel beseligen. Das geb vnd verley vns/ Gott Vater/ Sohn vnd H. Geist die hochgelobte Dreysfaltigkeit/ von nun an bis in alle ewigkeit:

A M E N.

Sier auff wollen wir nun aus warhafftigen
Kewigen/ Gleubigen vnd Busfertigen Herzen/ mit
einander also beten:

Almechtiger vnd Barmhertziger Gott
Wir danken Dir durch Jesum Christum deinen eingebornen Son/ das du aus lauter Güte vnd Barmhertzigkeit/ bis anhero in diesem Fürstenthumb vnd Benachbarten Landen bey Regierung Deines trewen Dieners Herrn Fridrich Wilhelm/ Herzogen zu Sachssen/ etc. vnseres Enedigsten lieben vnd seligen Landesfürsten vnd Herrn/ dein Heiliges Wort/ sampt dem rechten Gebrauch der Hochwürdigen Sacrament/ rein/ lauter vnd vnuerfalscht erhalten/ vnd gegeben/ das neben vielen andern frommen waren Christen/ auch S. J. G. selbst/ dasselbe nit alleine geliebet/ gehört/ geehret/ gegleubet/ frewdig vor der Welt bekant/ ja allerley darob erlitten vnd erduldet/ sondern auch endlich nach Deinem heiligen Willen/ vns allen zum herrlichen tröstlichen Exempel/ darauff frölich vnd seliglich aus dieser schynnen Welt zu Dir/ lieber Gott/ abgeschieden.

Ach wie herrlich gerne hetten wir den lieben frommen Landesvater noch lenger gehabt. Diweil wir aber/ O Ges

D iij

rechter

Gebet.

rechter Gott/mit vnsern vielfeltigen grossen Sünden dich zum
billichem Zorn/vnd vnter andern darzu verursacht haben/das
du Hochermelden vnsern lieben Landesfürsten aus diesem Lebe
hinweg geruckt/vnd vns die grossen Gaben vnd Gnaden/so bis
daher vns vnd andern durch S. F. G. Löbliche Regierung wi-
derfahren/ nach deinem billichem Urteil vnd Gericht benom-
men vnd entzogen hast: Ach so bekennen vnd beweinen wir sol-
che vnser Sünden von grund vnserer Herzen/vnd bitten dich
demütiglich/O barmherziger Vater/du wollest vns alle vnser
Sünden nach deiner vielfeltigen Enad vnd Barmherzigkeit
omb deines geliebten Sons vnser H. Ern vnd Heilandes Jes
u Christi willen verzeihen vnd vergeben / vnd vns deinen H.
Geist zur rechter Bus vnd Bekehrung verleihen vnd mitteilen.

Wir danken dir auch herzlich/das du an statt vnser Gne-
digsten lieben vnd seligen Landesvaters/S. F. G. Herrn Bru-
dern vnd Gefattern/den auch Durchleuchtigen Hochgebornen
Fürsten vnd Herrn/ Herrn Johansen Herzogen zu Sachsen/
vnd vnsern Gnedigen Fürsten vnd Herrn/zu sampt der Fürstli-
chen hochbekümmerten Widwin/vnser Gnedigsten lieben Lan-
desmutter/vnd jungen Herrschafft/als Landes vnd Leibes Er-
ben: Inmassen auch S. F. geliebte Schwester/Frewlein Ma-
riam Herzogin zu Sachsen / vnd des Keyserlichen Stiffts
Quedlinburgk Abtessin/vnd den andern Fürstlichen Frewlein
vns gnediglich hinderlassen vnd erhalten hast. Ach H. Ern/die
wollest du die nunmehr ja herzlich befohlen sein lassen/ Sie alle
in Ihrem hohen Bekümmernis vnd grossem Creus krefftiglich
trösten/stercken/requiren vnd bewahren/das sie durch deinen H.
Geist begnadet/Dich vnd Dein H. Wort ja für Augen haben
vnd behalten/ die lieben jungen zarten Pflenzlein in Deinem
waren Erkennenis vnd Fürstlichen Christlichen Tugenden auff-
erzogen vnd in den Fusstapffen der Hochlöblichen Seligen

Vor.

Gebet.

Vorfahren vnd Eltern zu gedeilicher Regierung erhalten werden mögen.

Verleihe auch / lieber Gott vnd HERR / den Landstenden vnd Vnterthanen deinen Heiligen / Guten / Friedlichen vnd Willigen Geist / in allen billichen dingen zugehorsamen / damit nicht durch inwendige spaltung vnd trennung / derer ohne das / leider in Deutschland vollauff sind / Ergernis vnd Sünden sampt andern grossen schweren straffen erwecket werden.

Ach HERR / erhalte deine Kirche vnd dein Wort / gib Friede zu vnsern zeiten / vnd handele nit mit vns nach vnsern Sünden / vergelte vns auch nicht nach vnser Missethat / sondern durch deine grundlose Barmhertzigkeit / vergib vns vnser grosse manigfaltige vbertretung. Wende gnediglich ab oder mildere doch alle langst wol verdiente gedreuwete schreckliche straffen / vnd gib vns allen Gnad / dz wir vns von Herzen bessern / Obigkeit vnd Vnterthanen für dir gefellig wandeln / an Leib vnd Seel gedeyen / vnd endlich zu vnserm seligen lieben Landesfürsten kommen / vnd neben ihm bey dir / D höchstes Gut / ewiger Frewd vnd Seligkeit theilhaftig werden.

Solches alles wollestu / Barmhertziger gütiger Gott vnd Vatter / vns allen gnediglich verleihen vmb deines Eingebornen lieben Sohns / vnser HERRN Mittlers vnd Vorsprechers Jesu Christi willen / mit welchem du in Einigkeit des Heiligen Geistes / ein einiger warer Gott / lebest vnd regirest / hochgebobt in alle Ewigkeit / AMEN.

R N D E.

Gedruckt im Jahr 1602.

1485
1485

[Faint, illegible text, likely bleed-through from the reverse side of the page]

W.C.



ULB Halle
004 965 043

3



VD 17





1791



Des
Bedruck
M. N
von
Gehalte
S
den/den
vnd
Welch
Land
Frideric
nen
Ober



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

KODAK Color Control Patches

Kodak
LICENSED PRODUCT

© The Tiffen Company, 2000

Blue Cyan Green Yellow Red Magenta White 3/Color Black



1. 540



an
M
6.
ren
ie
en
en
nd

